



臺灣府誌

臺灣府志  
卷之六十七  
府余文獻  
政學通明  
咸豐  
同治

IL 4  
1118  
12



門 4  
號 1118  
卷 12



續脩臺灣府志卷二十五

欽命巡視臺灣朝議大夫戶科給事中紀錄三次六十七

同脩

欽命巡視臺灣朝議大夫雲南道監察御史加一級紀錄三次范

咸

分巡臺灣道兼提督學政覺羅四明

臺 灣 府 知 府 余文儀 續脩

藝文六

詩三

甲子奉

命赴臺清查官莊卽事成詠

福建布政使 高 嶽 山 濟南人

海嶠長懸 聖主心溝塗經畫戒相侵含哺民近無懷氏

敷澤仁同解愠琴履畝新墜勤勸相支機舊石費追尋重

來不爲開印符要使飛鴉集好音

放洋

巡臺御史

熊學鵬南昌人

趣曉乘潮海舶寒清風相送出臺端片颿飄渺烟中過一  
碧澄泓浪裏看舉目惟瞻天日近迴頭但覺水雲寬要知  
舟楫由來好不畏重洋濟涉難

六巡使見示長句却寄

福建按察使 覺羅爾善 滿洲人

愧非磊落青雲士快讀纏綿白雪歌遙想登樓唵眺處鄉  
心應較月明多

千首詩酬酒一瓶海波不動遠峰青三台座待歸颿速夜  
夜開簾望使星

自昔相看氣味真紫薇花放玉堂春我今飄泊滄江外風

雨聯牀憶故人

再答六司諫

思君正詠池塘句忽接魚箋笑口開狂態於今猶未減素  
心依舊不須猜採風已有詩千首遣興何妨酒百杯同在  
天涯懷鳳闕幾時聯轡入燕臺

寄臺灣巡使六給事

戶部員外郎 伊福訥 滿洲人

東華塵土應憐我南海烟霞盡屬君惆悵暮春好時節白  
沙紅樹草連雲

浴日扶桑迴絕倫花繁官閣靜無塵海天對月閒吟際好  
報平安慰故人

乙丑立春

得春字

六十七

瑞兆農祥斗建寅管絃聲裏萬家春  
遙知聖主行時令

日月光華淑氣新

葭管灰旋萬象新東風吹徹海天春  
會須編播陽和意島嶼民皆擊壤民

八日

縷金剪綵我何知祇望陰晴卜歲時  
勝事漚輸高尚客草堂揮麈正題詩

登澄臺觀海

層臺爽氣豁雙眸遠望滄溟萬頃收  
赤霧銜將紅日暮銀濤拍破碧雲秋  
鷗鵬飛擊三千水島嶼平堆十二樓  
極目神州渺無際東南形勝此間浮

方司馬惠九頭柑柬謝 限三字

海壖殘臘試霜柑纔挹清香興已酣  
採自千頭金顆重攜來九瓣玉漿甘  
種傳甌粵原無匹宴飲華林舊賜三  
不是乘槎遠行役殊方佳味那能諳

水仙花 限冰字

凌波仙子世同稱瓊島芳姿未敢憑  
香與春風相應接神將秋水共清澄  
玻璃案上金千點玳瑁筵前玉幾層  
不許纖埃侵皓素檀心夜月一壺冰

莊副使惠女貞酒賦謝 限從字

搗香篩辣春溶溶甕醅初發金芙蓉  
入唇一盞何醇醲光浮海上最高峯  
知是女貞合作釀桂兼松青州從事披心

胸瀛孺副使嘉惠重時逢歲稔樂三農我今無事飲千鐘  
醉鄉王績聊相從

七里香 隈芳字

雪魄水姿淡淡粧送春時節弄芬芳著花何止三迴笑 每歲

開花率有 惹袖猶餘半日香竟使青蠅垂翅避不教昏瘴

逐風狂 能祛蠅蚋并辟烟瘴 靈均莫漫悲蘭芷正色宜令幽谷藏

頰桐花 隈龍字

枝柔葉厚碧痕濃色艷還看花發重朱萼臨風迷紫蝶丹  
鬚和露抱黃蜂剪殘紅錦枝頭見敲碎珊瑚月下逢好是  
年年誇競渡鮮研如火映魚龍

卽事偶成二律

微茫島嶼片雲孤物產民風事事殊絕好饕餐紅脚早 稻

天然羅落綠珊瑚花無寒煥隨時發酒長瓊漿不用沽 椰子

中有 最是良疇耕鑿易欣然醉飽樂唐虞

飽啖檳榔未是貧無分妍醜盡朱唇頗嫌水族名新婦 新婦

啼魚 却愛山蕉號美人 美人蕉花名

劇演南腔聲調溫星移北斗女牛真 臺分野牛女 生憎負販猶

羅綺 臺俗尚奢有衣羅綺而負販者 何術民風使大淳

長尾三娘 即練雀

翠羽光華綬帶長如雲委地美人粧命名當日非無意謂

勝黃家第四娘

蜥蜴 俗呼四脚蛇

兩頭埋後終無恙四脚何妨暴日頻  
盛世已除殘酷吏  
不須惆悵捕蛇人

九日

朝來門巷集儒巾屠狗吹簫共賽神  
臺俗七夕中秋重陽俱祀魁星是日儒生

有殺犬取其首以祀者蝴蝶花殘清入夢鯉魚潮落暖生春酒澆幽

菊舒黃葉琴鼓飛鳶鷓鴣  
重陽前後競放紙鳶如地春月並著單衫

揮羽扇炎方空說授衣辰

送范九池侍御巡視臺灣

工部右侍郎 德齡 滿洲人

白頭握別意何如迴溯南宮得雋初  
文字黍居一日長校

情歷試廿年餘連城玉質原殊衆  
三歎琴音獨起余利涉  
詩成須早寄要看海上掣鯨魚

送范浣浦巡視臺灣

監察御史 孫灝 仁和

東瀛別島入雕題豸史威稜使節持  
荒服盡聯身臂指重洋遙界  
國藩籬六臺 寵命雲邊下一范先聲海外知

浩淼洪濤看此去扶桑晴旭麗旌麾

澎湖烟排點點青鯤身鹿耳  
柁樓停俗仍漢語兼番語官  
是文星又福星地絡三山歸保障  
風乘萬里駕滄溟轄軒

坐鎮安清宴但載 皇仁播遠聽

十一更長按海圖三千路近接明湖未論丹荔黃柑美先  
愛青簾畫舫無 鳳闕銜 恩心北向蘭臺惜別客南趨

繡衣舊使聲華在歸問仙槎試問途謂鷺洲侍御

登大寮山

范咸

瞥見山坳翠欲流葱龍密樹景清幽嵐光迴與羣峰別海  
色遙看四面收日暮碧雲驚異彩雨過寒氣逼深秋天南  
鎖鑰橫江外不放鯨魚夜出游

三月二十五日渡海紀所見

海門峽如吏放舟還趁潮島嶼漸以遠仰視惟雲霄天與  
水爲一遠颿同秋毫極目杳無際意氣慘不驕間程藉指  
南放洋全以羅經定方向出海稱人豪船主曰亞班攬蓬索上下等  
懸操占風望向者曰亞班綠蓬桅而上登降盤旋了無怖畏巨浪拍天起比似危檣  
高龍骨船底大木曰龍骨從上過一落輕於毛遠望峻嶺盡水泮

山岳搖枕師噤不語謂是鯢魚尻噴沫散作雨十里聞腥  
臊轉瞬無所覩但覺心旌搖晚霞日初落星斗何迢迢夜  
黑青燐生非鬼亦非妖燄燄千萬點誰將十斛拋此景洵  
竒絕坐看過中宵雞鳴天欲曙華彩掀波濤天吳與紫鳳  
野火春風燒萬頃蕩金碧蛟龍爭潛逃動心復駭目快事  
傾醇醪幸逢 聖御宇海宴無飄飄生平見未見恣意誇  
同曹得藉滄浪力永靜蕃俗囂歸將晝蓬壺游仙足解嘲  
笑語金華人跼蹐虛鳴鑣

二十六日晚泊澎湖

計程問澎湖取道疑已遠沿洄逾七更花與杳難辨金烏  
已西落風微枕欲轉黑溝驚狂瀾橫洋畏屯蹇傳聞弱水

近東去不復返

桐城孫元衡赤嵌集臺與厦藏岸七百里號曰橫洋中有黑水溝色如墨曰黑洋險

冠諸海或言順流而東則為弱水自來浮去之舟無一還者

豈必飽魚腹竊自輕軒冕

藤組數百尺用試水深淺

大洋中欲下碇用錐錘試水俄

見白鳥飛色喜定殘喘

臺海使槎錄云近島澳島三十六與則先見白鳥飛翔

卷石非絕巘潮勢覺已平欠伸求息偃收篷且寄泊努力

進餐飯

一十八日入鹿耳門過七鯤身

遙見青山似畫屏鐵嶼捩柁費丁寧

使槎錄鹿耳門港路迂迴舟觸鐵板沙線

立碎潮長水深丈四五尺潮退不及一丈入門必懸起後柁乃可進

邊纓有路分沙線

以便出入

浮海何人續水經烏鬼渡寒透鹿耳

孫元衡詩山勢北連

鳥鬼渡

荷蘭城圻掃王庭鯤身久絕鯨鯢跡風起不聞戰血

腥

茄藤社觀番戲二絕句

唱曲者皆番婦

連臂相看笑踏歌陳詞道是感恩多劇憐不似弓鞞影一

曲春風奈若何

妙相天魔學舞成垂肩瓔珞太憨生分明即是西番曲齊

唱多羅作梵聲

烏魚

有引

臺志稱烏魚即本草之魴魚海港所產甚盛冬至

前捕之日正頭烏則肥而味美至後捕之日回頭

烏則瘦而味劣官徵稅給烏魚旗始許採捕按隋

大業六年吳郡獻海膾四瓶帝以示羣臣曰昔介



象殿庭釣得鱸魚此幻化耳今日之膾乃是真海魚所作來自數千里亦是一時奇味卽出數盤以賜近臣載之大業拾遺記蓋卽烏魚也吾杭素產鱸魚有江鱸河鱸二種其大者長不盈尺與郡中六七月間所食正同至秋深長一二尺味始肥美杭所產遠不逮矣

網魚競捕正頭烏興味頗嫌至後殊海塘引回憐瘦劇船頭懸罟急徵輸鈞緡信足驕漁父幻化無須詎老夫曾食江鱸爭比得芙蓉花裏好提壺

莊副使惠女貞酒走筆賦謝

裸人種稻手自舂咀嚼作麴塵埋封椰瓢婦子其酣飲醉

奉客嘗情何濃吾曹小戶偏愛潔對此慘澹愁眉烽梨花竹葉在何許當筵生怕惡客逢一朝賈願千里至鄉味百斛來吳淞南華仙人號酒聖特遣從事陳詞恭江村蠟樹是貞木花開細白凌寒冬其實補精益神氣能祛百病扶龍鍾以之爲釀功力倍丹成不啻陪赤松我聞掀髯一長嘯年雖未老多衰容炎方陽氣舒不歛眼花作字常駭踣精力駑緩生恂愁深懼株樞心憧憧舉杯芳馥饜饒口如鏝引鐵魚啖噉枯腸一潤融血脉赤頰兩顴豐姿丰升牀酣卧夢恬適遊仙直上蓬萊峰感君此惠日洗羊蕩滌膠固從來胸急撐春日看花眼君豈巨蹙吾蛩蛩

元旦後四日莊副使齋頭見菊花

迎年何事更爭新臺有迎年菊怪底真成海外春花歷三時如  
熱客賞開五葉儼浮塵幽姿豈必誇顏色艷景難教信隱  
淪翰與寒梅仍應候孤芳不肯早呈身

赤瓦歌 有序

臺屋瓦皆赤下至牆垣階砌無不紅者此赤嵌城  
所由名也余乃為作赤瓦歌

絳雲火繖張海國燒空滅盡青銅色信知天運應炎方搏  
土何緣變髹漆萬室于今陶者誰煬竈渾疑欺白日連椽  
櫛比紛參差畫棟朱甍幾回惑漢家黃屋禁例嚴風利雨  
淋遮不得臨漳銅雀更何似香姜舊款無人識况兼四壁  
光烟烟環堵恍與官牆逼簾前磚影更輝煌彤墀彩繪盈

階城華筍儼上祝融峰珠煤貫屋祥光直千門萬戶火西  
馳照耀燭龍鳥戢翼我思天台有赤城朱霞天半稱奇特  
又聞南方裔外山赤石為牆標異域此間合是虹霓居羲  
轂軒軒火輓扶六丁叱馭驅蛟螭故發狂飈銷鬼域君不  
見火燄山頭半焦土燐燐如焚少荆棘彰化有火燄山又不見  
翻地底硫磺山磺山在淡水草枯海破飛烟黑麒麟之颯炊繁  
星颯有名麒麟者風中有火流金爍石鯨鯢息溫泉轉作瘡母胎裂竅  
烘池土花剌刺桐萬朶吐紅絲驀地燒天怪繁殖扶桑照  
殿逞鮮妍豔豔網緼錦交織海若自來足光怪丹邱浴日  
鎔金霽蒸鬱恒賜陽用九司天南正神明力十八重溪諸  
有十八重溪水瀟瀟九十九峰在彰山崩芳魯陽揮戈勢當逐

巫厓自焚尤應極炬牛燧象爛功勳庶幾赫怒彰天德祇  
今海宴無烽塵不煩煨鍊洪爐側承平但願風雨調永息  
炎威靜八極

七月一日宴七里香花下作有考

廣羣芳譜山礬一名瑒花一名春桂一名七里香

按高齋詩話云唐人題唐昌觀玉藥花詩云一樹

瓏鬆玉刻成飄廊點地色輕輕今瑒花即玉藥花

也春明退朝錄云瓊花一名玉藥蔡寬夫詩話云

玉藥即揚州后土祠瓊花由三家之言推之似山

礬即瓊花矣考鄭興裔有瓊花辨周必大有玉藥

辨證幾若聚訟即七里香之果為山礬亦微與本

草異要之皆不必有意牽合也因宴花下為賦六

絕句

唐昌玉藥無踪跡后土瓊花再見難官閣猶餘春桂影婆

娑長得月中看

小葉茶蘼一丈餘花開五出襲瓊瑤生憐青瑣無消息

啼鳥春饒舌青瑣仙郎那難覓吹簫紫鳳車張文昌玉藥

得知香山玉藥花詩也中紫鳳車尋仙花詩五色雲

來到洞仙家瑤臺原不在人間素艷何來綠玉鬟長見藥珠宮裏雪只

緣地近補陀山補陀山猶言小白花山疑即

聚仙也合依稀似齊東野語瓊花玉質穠香總不同欲向

通明上封事彈丸先斥妬花風真密語世人於渠徒水

幸留七里香名在認取山礬為寫真寄語世人休聚訟冰姿原不藉前塵

瀛壖合是洞仙家宴賞貪看玉樹花賦罷新詩消受得春

風何處七香車

劉賓客玉蕊詩玉女來看玉樹花異香先引七香車

鮫魚次六給諫原韻

臺海採風圖考云鮫魚黑色如鱗長不盈尺二目突出于額身

多綠斑志稱多在海邊泥塗中善跳躍土人以爲美味置地上能跳亦能行數步

怒目稜稜徧體斑蛇行也解曲迴環如何生在滄溟裏偏

喜身居清濁聞虎穴掉頭終不顧給諫畜數尾池中龍門有跳石上斃者

燒尾可知艱烹鮮更怪成何味叢笑令人鄙百蠻

臺俗除夕門設紙虎祭以鴨焚之謂可厭煞余名之

曰焚虎元夕女子偷折人家花枝謂異日可得佳

外貴壻壻余名之曰竊花往年在京師作夢樹堂花二

詩謂事極韻且可舉以爲偶也今茲將毋同同賦

美姑四絕句

焚虎二首

階前金薄印於菟燃火焚香達九衢好趁春前辟虛耗新

年事事要懽娛

死虎猶能激毒龍精誠大府慰三農省中祈雨周撫軍學健命以虎骨投龍潭

中果得雨海隅莫怪頻驅鬼厭煞迎神重季冬

竊花二首

女郎元夜踏蒼苔攀折青枝笑落梅底事含羞佯不采月

明犬吠有人來

夢樹堂花憶昔時又因韻事賦新詩憐他自愛領城色暗  
祝燈前幾度思

題褚太守祿觀稼圖

北港

臺灣舊名北港

肥沃種植恒不時四月刈新穀六月開新

苗十月收大冬

晚稻上人調收大冬

洵有不斂穡罔知三年畜轉販

成漏卮番兒學唐人

番調中上為唐

亦解把耜犁時清風日好雞

犬皆嬉嬉檳榔簇鳳尾猿採同兒戲彎弓射生手徒充他  
人饑褚侯河南後跨海後一麾動念仁民術寫出幽風詩  
美哉二千石願更進微規武侯治蜀嚴寬猛常相持既庶  
何以教阿誰是良師逋逃何以絕窮黎何以肥至治順大  
化貴與羲皇期他時道德同四海仰風儀

木蘭花歌

有考

臺之草木土人多以臆名之如梨子菱樣子之屬  
或無其解或並無其字而士大夫之自中土至者  
又率先存一索隱志怪之心不深察物之情狀雅  
意附會真若琪樹之花可接而若木之枝可攀也  
余閱使槎錄載木蘭花如粟淡黃芳似珠蘭亦名  
樹蘭考羣芳譜木蘭一名木蓮一名黃心其香如  
蘭其狀如蓮白氏長慶集云木蓮身如青楊有白  
紋葉如桂而厚大無春花似辛夷內白外紫則與  
使槎錄所云花如粟淡黃者迥異矣蓋樹蘭又自  
一種余所見者花細碎如黍米正與使槎錄同而

不得謂之木蘭也及使槎錄載貝多羅花云大如酒杯瓣皆左紐白色近蕊則黃采風圖考亦云花外微紫內白近心甚黃土人但稱為番花不知為貝多羅也考拾遺記貝多葉長一尺五六寸濶五寸形似琵琶而厚大寰宇志貝多結實如椰子今所見番花葉酷似枇杷其長與濶皆不及拾遺記之半且有花無實其非貝多明甚而所云花大如酒杯則木蘭之似辛夷也所云外微紫內白則木蘭之內白外紫也余細察其幹有斑痕如眼則木蘭之如青楊有白紋也試截其枝中有黃暈則木蘭之一名黃心也至葉如桂而厚大則更無可考

矣然則樹蘭非木蘭也番花非貝多也既真知其為木蘭矣不可不紀之以歌  
 詩人賦物善言理不似庭前格竹子當知多識即是學廢目任耳非為美我來蓬瀛大海東探竒直欲窮蒼穹周詠詢度百不厭肯教過眼烟雲空采輯郡志二十卷遺書掇拾行將徧猶慚臆斷恐失真訂誤考疑敢云倦貝多羅花詩已訛琵琶形似終如何就中無實難偽託佛經欲寫空搓那因閱長慶忽頓悟辛夷恍與木蘭遇內白外紫狀如蓮點點青楊蟲食蠹昔人幾度上芳舟不識征颿逐遠遊今日模糊纔認得新翻樂府却風流

安平晚渡

莊年

詞有木蘭花慢

笳聲互動日沉西一片蒼茫暮靄低夕照城邊催渡急晚  
烟風裏裏飄齊水寒弄影光搖月潮長移舟浪拍隄却怪  
羣鴉棲不定參差樓堞望中迷

沙鯤漁火

一帶沙平水亦停漁舟鱗集傍遙汀寥天夜黑難邀月極  
浦燈紅若聚星網罟熹微穿燭火波迴歷亂盪流螢遠山  
欲看模糊甚近岫還留半朶青

鹿耳春潮

桃花春漲浪如烽與洪同鹿耳門高勢更雄殊死千軍嚴破  
陣凌虛萬木怒號風硤深不信纓猶盪沙定還知海欲東  
盛氣漸平羣籟寂恬波依舊暖融融

迴殊漠北子卿身六出何來伴雁臣排闥一峰疑砌玉凝  
眸幾點恍堆銀炎方特爲開生面羈宦渾如遇故人金碧  
山川都看盡磐頭畫稿覺翻新

東溟曉日

尾閭東洩浩無邊初旭俄將黑霧穿幾度欲升猶半隱須  
臾一躍似空懸潛銷蜃氣金光燦倒射鯨波血色鮮自是  
中天多瑞彩蟄龍寧敢抱珠眠

西嶼落霞

殘照無多日漸沉餘霞散綺落西岑不隨孤鷺飛江渚偏  
逐歸鴉落樹林斜度微雲千片玉淡依新月一鈞金欲餐

自愧慚中散

選詩中散不偶  
世本是餐霞人

鞅掌風塵思不禁

澄臺觀海

簿書笥束苦相纏乘興登臺意豁然  
烟靄光中三面水晴雲影裏四垂天  
瀾茫境界憑欄外浩蕩滄溟落照前  
極目波濤渺無際笑他精衛若何填

斐亭聽濤

纔聽朝潮又暮潮怒濤聲裏竹蕭蕭  
千竿不藉風搖曳萬弩何當影寂寥  
豈必林泉甘漱石却因烟月憶吹簫  
星躔舊是揚州路流水應過廿四橋

臺灣分野牛  
女屬提州

和巡使六給事九頭柑原韻

聽鶯載酒美雙柑歲暮分遺興倍酣紅  
出洞庭微帶澀黃

傳曉粵尚輸甘橘中別種瓢餘九海外  
嘗新歲已三怪底

淮南移枳橘羅浮真味可曾諳

和巡使范侍御正月五日齋頭見菊花原韻

秋花開儘物華新恰是衙齋五日春  
態逸香清閒有韻簾垂風細靜無塵  
迎年豈謂親軒冕採食還應讓隱淪  
戲酌屠蘇一相問淵明可是爾前身

范侍御招飲七甲香花下

鈴閣清嚴碧柳涼一黃玉蕊正芬芳  
瓊姿乍怯秋初雨花氣渾同夜合香  
繡幕四吹白雲銀鬢窗外舞霓裳  
擎杯細把山礬嗅沁我詩心似酒腸  
密葉繁葩綠玉叢  
似掩映雪玲瓏  
唐昌觀裏依稀似后



土祠邊想象同滿砌花飛驚積霰隔簾香透起微風二年  
海外埋芳信此日開筵興不窮

諸羅道中卽事

褚祿

聖朝德澤沛南東縱日郊原茂對中圳水春生灌溉足露  
華秋重土膏融扶桑色映曉曦日絡緯聲隨斷續風自愧  
一官無報稱好書大有慰 宸衷

安平晚渡

樓堞參差暮鴉村岷吳渡語聲 訝忽衝沙鳥暝烟破漸  
轉蒲帆之 料素沙不負心返掉晚風無事動悲笳寒潮  
乍思人 沙

連岡相接聚沙汀掩映漁舟點點螢風定碧波明遠火光  
搖寒影落疎星莫疑滄海鮫人淚翻訝乾坤柳絮萍驚起  
蒼龍眠不穩欲燃犀角燭奇形

鹿耳春潮

天然形勝待潮生鞞鼓逢逢望欲驚正是桃花春破浪儼  
然瀛島兩翻城當時竊國悲浮瘴此日長年認盪纓說  
王師平寇日海門如雪勢崢嶸

雞籠積雪

移來瓊島是何年積素凝華入望妍瑞數碧雞開運會城  
依元圃說桑田玉山岬嶠光相映銀海波濤勢欲連不信  
炎方寒起粟燕雲迢遞近中天

七絃草

署臺防 張若虛 相城 同如

瑣牕閑靜影 踰躑繞砌亭亭發  
七絃高下有情 繡缺月淺  
深著色嫩 含烟乍經新雨  
銀絲潤旋挹微風 翠帝鮮最喜  
秋來紅結綬 一尊相對韻悠然

觀音竹

趺坐伽陀石 清筠自古今  
虛中成淨業 勁節即禪心  
綠染菩提果 聲含簷蔔林  
半規新月上 妙義正堪尋

金瓜茄

不是東陵種 籬間別弄輝  
冰純澄夏簞 黃絹剪秋衣  
承露鵝兒嫩 迎風杏子肥  
依稀明月下 疑自鳳池歸

含羞草

萱花自昔可忘憂 小草如何却解愁  
為語世人休怪詫 風情太甚要含羞

交枝蓮

產自污泥涅不緇 迎風承露號交枝  
看他亦解相縈抱 底事依依在水湄

白沙書院示諸生

時書院新落成

淡水 曾曰瑛 南昌 同知

敢因小邑廢絃歌 講苑新開事切磋  
誰謂英才蠻地少 原知高士海濱多  
文章大塊花爭發 詩思淵泉水蹙波  
他日應知化鄒魯 好從斷簡日偏摩

斐亭聽濤次韻

諸羅 令林 奕 永福 八

會趨官閣待春潮 笑語渾疑燕蓼蕭  
乍聽怒濤雲浩浩 還

看長月夜寥寥早知沙上無寒鹿可有仙人倚洞簫此日  
瀛壖成夢想大邊誰與渡銀橋林時方罷職故云

安平晚渡

彰化令 陸廣霖 武進人

高城極目勢蒼茫向晚歸人一葦航月淨波光浮遠白霞  
銜帆影帶昏黃參差樓閣迷雲樹掩映漁燈上女牆市井  
只今誇極盛可知濟渡賴津梁

沙鯤漁火

高掛絲綸新月鈎沙汀隱現泊漁舟烟籠小艇連檣語風  
起孤篷一葉秋倒映水光星錯落斜懸螢火影沉沉銀燈  
合向銀河瀉絕似吳江古渡頭

澄臺觀海

烟波縷渺水漫漫高閣登臨面面寒收拾崑崙千派合拓  
開江漢四圍寬塵氛不向壘靈發靈靈身神字見黃庭經寰宇全歸  
掌握看憑眺頓教心地遠擬將浩瀚寫毫端

菱亭聽濤

疎影蕭蕭萬籟平江亭忽聽怒濤鳴乍疑簷角風敲瓦頓  
覺叢中浪拍城島嶼波洄憑竹報篔管聲寂待潮生遠臣  
仰沐澄清久跨海鯨鯢靜不驚

二月諸羅道中

諸羅 繩 閩縣人

偶整輕裝出木泥還回白道幾人家閒閒風景遲遲日淺  
草輕沙薄笨車

烏魚

壁玉元珠徧體摘揚鬢奮鬣滿天池須知漏箔橫施處要在葭灰未動時日映波光添繡線鱗翻浪影簇烏旗江鱸味薄河鱸小爭此炎方海錯奇

五鳴雞

標標引唳自呼名太極平分似繪成二十五聲隨漏滴底須侵曉候雞鳴

雞籠積雪

監察御史王璋雞籠積雪

雪壓重關險江天儼一新乍疑冰世界頓改玉精神瘡壞皆生色空山不染塵寒光如可借書愧歷冬春

輓寧靖王

陳元圖

匿跡文身學楚狂飄零故國望斜陽東平百世思風度此

地千秋有耿光遺恨難消銀海怒幽魂淒切玉蟾涼荒墳草綠眠狐兔寒雨清明枉斷腸

東港

戊午科舉人陳輝臺灣人

漁人幾處學吹簫海色蒼蒼弄晚潮一片山間明月上滿隄寒影渡橫橋

中秋書感

碧漢無塵一色秋疎星淡月片雲收霜露桂樹寒香滿露滴桐梢瘦影幽幾曲微吟依海岫半空清響起江樓誰家玉笛橫吹裏却把關山惹客愁

不寐居訪林羽叟

羽叟先生不寐居飄然島外葛天初青山雨度雙花塢綠

野雲消一草廬醉倚壺觴閑歲月吟依几席樂琴書竹橋  
秋水相逢處洗滌煩襟與古餘

九日登龜山

獨立龜峰最上頭倚松舒嘯與誰儔崖中曲岫苔痕破鳥  
外長空浪影浮石冷雲歸山色暮霜舉樹老海天秋清猿  
洞口聲聲叫也學登高伴客遊

鹿耳門夜泊

冷雨滄江上移舟泊海門清歌間戍客短笛隱漁村浪濶  
潮千頃天空月一痕搖搖遊子意舊憶夢家園

舟再泊月眉灣

月眉灣俗稱隙仔在鹿耳門前比  
風可以泊舟予遭風泊此旬餘

鹿耳門前幾潮河月眉灣作避風臺舟師不畏東流急喚

得小船載酒來

鷺江卽事

一派鷺江水遙遙碧岼西風帆依石影烟火薄雲梯海色  
筆山合潮聲入嶼低行人棲泊處極目旅情迷

泊澎湖西嶼

游中青嶼裏一片帶春烟水上浮竒石天涯泛小船波迴  
蒼靄外村在白沙邊客棹經過處懷人意惘然

小齋

僻處心常靜幽棲意自閒種花分隙地閉戶似深山日映  
濃華裏風搖積翠間不須尋酒伴獨坐亦開顏

買米

市米三百錢，皚皚纔一斗。聚困漁利家，乘此誇其有。臺人不皆貧，亦豈盡富厚。菜色歎時艱，枵腹絕薪爨。官司榜平糶，人趨惟恐後。一丁米三升，鞭扑驚且走。攢簇擁吏胥，蒙怒不厭醜。公廷散未了，挈穉且扶耆。誰謂臺陽地，盈阡更累畝。名爲產米鄉，亦有饑人否。聞道昔先民，餘三在藉九。貯粟預爲計，豐儲多聚朽。今人何不然，歲歉輒搔首。謂是俗紛華，虛糜費已久。所以無贏餘，饑來罄瓦缶。窮廬有寒士，捉衿當見肘。米賤揚糠粃，米貴懸杵臼。三炊雖舉火，茹草兼飯糗。一聞米價高，歎息謀菜婦。高堂有老親，幼子尚黃口。仰事與俯畜，詩書非瓊玖。欲賣不值錢，換米祇取咎。洋洋泌水清，樂饑且自守。海日高扶桑，光華照戶牖。春色

不我靳，綠到門前柳。頗愛陶潛節，慷慨莫相負。抗志養其黃土行，不可苟五斗。懶折腰三升，豈輕受甘貧。本素心，肉食匪吾偶。

### 登石屏山

扳蘿直上石屏巔，四望凌虛意渺然。俯瞰羣山培塿細，遙臨萬樹鬱蒼蒼。連溪浪澗壑青蕪，地彩色紅霞碧落天。極目滄溟東艇外，東艇海嶼名烟波數點買人船。

### 鎮北門晚眺

烟籠竹樹接沙舟，北門外北夕照橫波海氣浮。樵子唱回雲影路，戍人吹動角聲秋。北門外僧歸廢寺鐘常寂，城外藤燕喜澄潭水不流。城畔有二潭一在城內一在城外詩適有羣燕飛繞水上路人言是燕來

自咬啣吧隨洋船至洋船歸則復去一年一度其燕視沙  
燕差小按月令仲春元鳥至今臺中十月見之或者燕亦  
先時而觸目郊原多景象迷離草屋起重樓城外有地  
來乎名重樓仔

過埤頭店

遙遙行李向溪東待度埤頭一徑通邸舍人歌春樹外征  
車牛逐暮雲中沙連淡水村村竹路近新園處處菘橋畔  
酒家帘影動憐他少婦倚微風

宿放繚社口

十里荒荆路欲迷停車小住傍巖棲地去傀儡山十餘里山當傀儡  
烟常冷地接琉球月更低南路八社惟放繚極南近海中琉球山蠻曲偏驚

春夜裏漁燈散點海涯西其西悉漁人所居行人到此渾無寐夢

斷詩成聽野雞

琉球山

翠嶼孤懸在水隈青葱疑是小蓬萊雲連遠影嵐光動日  
映高峰海色開恍惚鼉游千尺水予到海岬望山下水蒼高數仞浪激過于山蒼  
茫浪激數聲雷信知南極瀛壖地物產猶傳鸚鵡杯山出鸚鵡

螺

二贊行溪

竹橋平野路春水漲清溪風靜寒沙濶烟濃遠樹低青蕪  
喧海燕碧岬叫村雞為語南遊客應知慎馬蹄溪當秋雨泥濘行人

之難

半路竹地各

客舍春郊裏陰陰翠竹園衝烟聞犬吠隔樹見鶯喧草綠

疑無路雲深又一村行行車馬過從此近仙源

路近前  
窩仙堂

### 五里林

五里林間路長隄繞碧流落花春徑寂芳草晚園幽鷺宿  
依斜岼鳧啼近小洲綠陰行過處客邸在溪頭

### 東港渡

斜帆臨野渡水漲海涯東草色連長岼嵐烟聚短篷山山  
春雨霽樹樹夕陽紅欲向津頭問桃源路可通

### 龍湖巖

野竹迷離翠作垣微茫山色古雲門烟侵晚岫通幽徑水  
隔寒隄接遠村曲檻留陰閒睡鹿疎鐘倚月冷啼猿昔年  
曾得遊中趣依舊湖光漱灑存

### 春口遊海會寺

翠竹斜榕小徑通招提舊日館娃宮曇花冷對粧樓月貝  
葉寒生舞殿風野色蒼茫留院落溪烟黯淡到簾櫳尋春  
莫問懽娛事霸業興亡總是空

### 渡安平

碧流春色海天寬島嶼蒼茫雨後看半棹斜翻雲影碎片  
眺遙送浪花殘沙浮曲岼漁人宅樹隱孤村戰將壇曾是  
昔年歌舞地空城寂寂暮烟寒

### 買隱

買隱山村跡已深軒車過客莫相尋清泉白石通幽趣野  
碧溪鷗遠素心看罷晴雲峰有色釣餘寒月水成陰許由



原有高風在未輟箕山得意吟

山村見鳳仙花

小種花開地不偏生來枝葉本嫣然半痕奇艷添微粉幾  
瓣新紅染翠鈿色映疎簾欺睡後香飄野砌到尊前莫嫌  
寂寞山村裏却有亭亭物外仙

鳳山春眺

滿山春樹鳳毛張石潤嵐寒接大荒翠竹低橫三社遠鳳山居民分爲三莊黃沙倒接一溪長山近淡水溪猿啼雨外空雲岫鷺宿  
烟中靜野塘畫意誰知從此得可堪登眺暫相將

雨後日占

諸生何借宜惠安人

山山浮翠遠處處落紅深獨立柴門外長歌託素心

寒食過五妃墓

寒烟衰草暗離披隱隱高原見古碑謾說從人皆妾婦應  
誇死義是男兒投繯不解王孫恨奕世猶聞鬼子悲墓在鬼子山  
異域天荒開世運五常還是五人持

落花

臺灣生員盧九圍

何處韶光不可憐底須花落惜花妍文章雖假知天意色  
相皆空悟夙緣香愛撲衣沾露好舞宜送酒趨風前殘枝  
無計留春住蜂蝶紛紛一惘然

椰酒

幾度釀蠻烟蒼蒼高樹巔櫻分千縷結核破一瓜圓玉液  
真神異蒼匏出自自然何須誇醴酒直欲負甘泉

春遊竹谿寺

千竿綠竹一灣溪掩映禪房遠曲隄烟濕翠園花隱隱雲  
深碧澗水萋萋無營祇覺幽懷曠自在惟聞好鳥啼清磬  
數聲人去也詠歸還過畫橋西

海會寺

舊為楮環寺

月戶雲扉半草萊猶誇常日起樓臺寒枝莫辨金環處貝  
闕誰留玉帶來織水真機魚活潑紫花幻夢蝶徘徊高僧  
自證無生訣懶向他年論劫灰

寧靖王墓

周道不復振晉鄭豈堪依劇來要荒外聊思效採薇  
聖神膺天統溥海播恩威樓船忽飛渡原野蔽龍旂降藩

知順命逝將安適歸愛此數莖髮詎吟自歎歛蒼天為之  
變白日歛其暉哀哉殉主難從容有五妃

遊岡山二首

翠巘青嵐日影遲行吟正好及春時看花人向層巒立絕  
似王維畫裏詩

突兀寒巘翠作梯暫從開士共幽棲夜來落月疑天外笑  
指銀灣接海低

一洞天 北路

獨有溪南一洞天碧沙紅樹隱高賢客來欲覓桃源路借  
問劉郎前度年

古意

東海有遺珠皎皎含秋月秋月有時虧珠光盈不闕朝拭  
玉鏡臺暮映紅羅襪豈是貴知希願以酬高哲

秋林晚眺

荒林日暮欲棲鴉獨立蒼茫數落霞歸去不須愁路杳隔  
溪秋月映蘆花

赤嵌城

臺灣生員 林麟昭

歌舞樓臺半已傾女牆斜日照孤城閑庭無復生芳草復  
道猶聞喚曉鶯往事空悲時節換 聖朝長幸泰階平縱  
教沙磧千年在烽靜無烟夜月明

前題

鳳邑生員 傅汝霖

千重雲海繞城東影落平沙夕照紅夜月飛銀漁火暗晚

烟積翠戍樓空星分牛女雙垣外地隔蓬萊一水通好向  
安瀾徵暨訖由來 聲教紀攸同

和宋明府村夜原韻

太學生 鄭應球 鳳山

世事浮沉付酒尊海蟾高挂到衡門身依竹節常分影夢  
繞花鬚歡斷魂燈下書聲乾宿蠹耳中蛩語失悲猿憐才  
獨有便君在頻檄詩篇過草垣

龜山晚眺

龜山日色冷長空竹杖行吟醉晚風詩句都從閒裏得物  
情好向靜時窮清潭照影澄雲白老樹彫霜墜葉紅可是  
逢秋悲宋玉暮蟬環噪藥珠宮

移家

淡汨無營意自寬  
移家東郭近林巒  
鳥吟白日春前樹  
人整青山竹外冠  
張老已知成室美  
淵明但取敝廬完  
由來物理難齊論  
聊借鷓鴣信所安

安平晚渡

府學張英

津頭遙見碧波飛  
一葉扁舟趁落暉  
風力滿帆成獨棹  
歌臨水送將歸  
孤城戰壘空埋骨  
草舍漁村半掩扉  
爲語行人莫惆悵  
時清魚鳥已忘機

遊竹溪寺

臺邑生員陳廷藩

古寺白雲裏  
寒蟬滿樹吟  
溪迴初渡月  
花落忽驚禽  
棋局延清夜  
琴張寄素心  
欲歸山雨重  
樽雨且勤斟

羅山訪友人值雨後留飲

茅舍認君家  
清溪漾淺沙  
路諳前度馬  
雨濺晚來花  
煮茗催明月  
瞻雲斷綺霞  
主人無限興  
壺矢任交加



臺灣雜詠二首

高拱乾

天險攸攸海上山  
東南半壁倚臺灣  
敬宣帝澤綏羣島  
愧乏邊才控百蠻  
瘴霧掃開新氣宇  
風沙吹換舊容顏  
敢辭遠跡烟波外  
博望曾經萬里還

三秋聞見總蕭騷  
日夜飛濤不斷號  
舊集間閩皆斥鹵  
新開原野半蓬蒿  
空止那得珠厓貝  
伏莽休懸渤海刀  
應識乘軺難塞責  
願紆南顧聖躬勞

定命 遊覽 賦 卷三十六 賦 卷三十六

曾回首望姑山形望女心彰

珠風葉葉飄歸扇  
開寶觀香土  
那得蒼天蒼色  
奈交更土  
春來對樹開  
茂葉  
水  
草  
影  
更  
對  
樹

竹園寺

蘇雨向函初八月

風蕭蕭如木葉

天伏今秋

草堂

夢寐

中

野宿

臺灣府志 卷三十六  
秋雲向暮總陰森竹屋卑棲枳棘林風外葉鳴山鳥怪雨  
中燈靜寺鐘沉瘴烟作崇香先到積水生寒夜漸深耳目  
悲涼成底事草蟲還爲發孤吟

草堂漫興

天外今知樂事偏茅齋灑掃駐三年連林蘭本飄金粟出  
屋蕉叢吐赤蓮棋局傍觀無我相醉鄉漸入有仙緣蠻烟  
瘴雨何滋味八尺風漪得穩眠

竹溪寺

宋永清

春來梅柳鬪芳菲散步清溪到翠微盤石水藤迷野徑辭  
枝風葉擁禪扉踏開覺路香生屐振落天花色染衣更上  
一層回首處故山遙望寸心違

別澎湖

周于仁

行年將六十三仕到澎陽海國東南嶠星經牛女鄉天懸  
青其遠水接碧同長颺發疑雷吼沙飛似霧茫有時奔萬  
馬無計卧雙檣風景雖多別民情却甚良勤耕讀作飯儉  
用布爲裳麥稻還須糴豆麻尚可糧黍黃村火密草綠訟  
庭荒柴戶何嘗閉蒲鞭不用揚官閒惟嘯月民樂可烹羊  
竊祿亦云久留名敢謂芳光陰飛石火花甲變成霜將別  
還延佇思歸欲東裝羣黎雖祖餞一葦早輕屬暫息鷺洲  
地追懷賦短章

臺灣近詠呈巡使黃玉圃先生

二首

藍鼎元

青其... 縣同... 派... 雲... 行... 六... 十... 三... 廿... 陸... 漸... 開... 向... 東... 南... 創... 星... 盤... 半... 文... 騰... 天... 繼...

賦

風于子

內山有生番可以漸而熟王化棄不收獷悍若野鹿穿箐  
截人首飾金誇其族自古以為常近者乃更酷我民則何  
辜晨樵夕弗復不庭宜有征振威寧百谷土闢聽民趨番  
馴賦亦足如何計退避畫疆俾肆毒附界總為戕將避及  
牀褥

鳳山東南境有地曰瑯嶠厥澳通舟楫由後接崇爻寬曠  
兼沃衍氣勢亦雄驍茲土百年後作邑不須艱近以險阻  
棄絕人長蓬蒿利在曷可絕番黎若相招不為民所宅將  
為賊所巢遐荒莫過問嘯聚藏鴟梟何如分汛弁戒備一  
方遙行古屯田策令彼伏莽消

赤嵌城

楊二酉



極日天涯是水涯  
荷蘭城上計程賒  
潮光沸沸鳴奔馬  
帆影星星照落鴉  
日麗九重天子闕  
雲飛萬里使臣家  
何時慰我桐花節  
好向前津一泛槎

重陽過海東書院

重洋遠渡度重陽  
載酒尋花花正黃  
文苑連朝開霽色  
春臺九月著羅裳  
種來桃李新多實  
培得芝蘭舊有香  
今日登高臨海國  
奎光一點上狀桑

九日澄臺卽事

舒輅

北去雲千疊  
東來水幾盤  
燕臺纔其署  
澥谷又同官  
汲冷浮雞嶼  
烟凝隱豹巒  
文光臨睥睨  
斗柄近闌干  
菊淡詩情淨  
萸馨酒量寬  
登臺懷桂權  
煮茗羨江湍  
鳳翥毛搏彩  
龍

灑血灑汗彎弓不尚革  
定筆自飛翰筋已一誠  
格齊民衆志安焚香讀周易  
鴻漸喜于磐

雜感

張湄

高挾天墟括九州  
茫茫一水記琉球  
風生鰲背重溟黑  
雷奮鯤身巨島浮  
針路向空難問渡  
鐵應拔地不容舟  
林顏幾輩蟲沙沒  
落日蒼涼赤嵌樓

彌陀寺

宦跡重溟外  
遊情半日間  
妙香禪室靜  
灌木鳥音蠻  
種葉常書偈  
留雲早閉關  
稍聞烹水法  
容我坐苔班  
何必遠城郭  
已空車馬塵  
因心川共逝  
觸指月如輪  
客愧乘槎使  
僧兼賣卜人  
他時期再訪  
幽夢或通津

安平鎮

范昌治

臺灣何崩劣安平祇孤島兀立大海中洶湧際天杪鹿耳  
 接鯤身沙線明晶晶形騰犬牙交彎環猿臂繞重門分界  
 險桅檣不輕掉守土一應來愛此屏藩好暇日縱扁舟望  
 洋恣遠眺憶昔宦遊人無如東坡老文從海外豪光燄增  
 奇巧固陋每自慚雕蟲先壓倒下車况臣月狂吟何草草  
 所志不在詩因之寄懷抱私冀胸次間與游同大小百川  
 盡便輪萬象皆明瞭秋濤動山古春波潤枯槁轉愧願難  
 酬問心可得表保赤貴誠求夸汗何足道回看戍卒忙艖  
 艖鏗齊燎亟命掛帆歸迅疾等飛鳥人坐畫船中水湧冰  
 輪皎

臺灣東書都諫

六十七

茫無涯淡海天春篷轉雲飛辨不真綠鷁乘風穿雁嶼繡  
 衣銜 命跨鯤身眷黎樂享承平久士女歡迎氣象新萬  
 里故人初把臂相看先問近詩頻

鹿耳門汎卽事

乘風纔命駕輕航迴首荒城已渺茫日與雲山爭隱見天  
 連波浪若低昂巡行鹿耳新防汎指點鯤身舊戰場誰道

臺海遺志 卷三十六  
疆隅惟恃險

盛德足金湯

露香亭卽

范咸

夜涼樹垂露晨清花放香坐覺幽意適不知白日長守官  
鳴前楹互答怪蟬螿事久已息掉臂驚螳螂感此發深  
喟世態何張皇營營名利窟私欲羞難量曷弗順大化鼓  
腹遊虞唐青青木蘭樹金粟同芬芳離離頰桐枝火燄燒  
扶桑但逞顏色好終非金玉章吾生更何求返璞是所望  
亢龍應有悔大道歸斂藏君子日乾乾慎守千金方

暮春郊行

書山

循行豈是補春遊攬轡輕馳謝眺洲岍接小橋村路曲烟  
凝蕭寺梵鐘幽塵懷頓向閒中滌野况都從望裏收風日  
蹉跎秋過半家家場圃築西疇

泛海

錢琦

媯皇斷鼇足元氣洩混茫散作長波漭漭杳不知其  
幾千萬里蕩搖大地天爲盲有時颶母胎長長鯨  
怒星眸電齒雲車雷鼓風輪森開張塵沙飛揚人  
鬼哭徃徃白晝慘冽如幽荒徃時讀海賦猶疑近

荒唐竭來鷺門一悵望大叫絕竒狂夫狂柁樓打  
鼓長魚立船頭掛席西風涼是時鬱儀忽走匿但  
見天光水色一氣摩礪礪大豈路最近小憇古禪  
房彼岨倏不見一葉隨波揚南人自誇乘船慣不  
比生馬顛躓難收轡豈知波恬風靜浪息時起勢  
一落猶有千丈強長吉心肝盡嘔出但無好句歸  
錦囊忽然桃浪暖紅影落星光須與墨雲捲四顧  
失青蒼出海與亞班神色俱倉皇飛身上桅杪指  
南憑鍼芒謂言渡海此最險呵嗽下有蛟鼉藏去  
年太守誤落深鷗如飛鳧失侶天外周翱翔今年  
將軍復遭毒有如曹兵百萬赤壁週周郎羅經吳

已偶錯位北去弱水東扶桑我聞此語了無怖俗子所見  
皆糝糠男兒桑弧懸矢志四方徑須腰懸斗印提干將出  
入玉門走沙場直探虎穴掃機槍勒鐘鼎勳旂帶回手  
扶漢分天章不然翻身跳出塵埃龍驤騎鸞鸞鳳朝  
遊碧落暮滄溟須彌大界隨相羊能瑟瑟縮如寒蟬  
坐令顏髻凋秋霜况聞蓬萊方丈咫尺塵隔斷世之仙骨  
誰梯航因風誤到更可喜底用禍福先局評臺陽一番島  
宛在水中央古稱昆舍耶或云婆婆洋自從歸入版圖後  
穿胸儋耳咸循良我來銜命持羽節要將帝德勤宣  
揚兼恐竒材遺海外一一搜採貢明堂水程志更更十一  
蠡窺管測畢竟繩尺難參量何竒不有怪不儲且復耳目

恣探詳茲遊之奇平生冠東坡快事吾能償舟師喘定笑  
絕倒喜色轉露眉間黃天雞一聲曉色白百怪照影爭逃  
亡不見澎湖見飛鳥鳥飛多處山雲長三十六島鬱相望  
漁庄鱗舍紛低昂收篷整寄泊呼童滿引觴爾雅頽然不  
知身與世恍惚栩栩瞬息歷九州徧八極徜徉于無何有  
之鄉

抵任

四溟中斷早潮回鐵板沙礁面圓闢天設鹿臺嚴鎖鑰地  
疑蜃氣幻樓臺使槎遠載春光到官府暗傳上界來合是  
前身香案吏江山管領到蓬萊

晚從安平渡海歸署

平堤含夕景烟樹半模糊  
乘興晚喚渡一葉如飛鳥正值  
風光好渡海如渡湖千丈  
畫素練十幅步經蒲沙鯨  
魚漁火紅影透菰蘆上亂星斗  
宿紛射龍鼉居水氣摩盪之散  
作千驪珠橫空一鈎月墮  
八崑崙稔似欲釣六鰲驚走小  
鱸鱖須臾近彼岼潮退泥沙汙滄海  
幻桑田輾轉駕牛車爾時夜氣靜  
萬籟歸虛無栩栩不自覺恍惚凌  
仙壺歸來猶認夢好手誰繪圖我  
夙遊癖而爲緇塵汚翻身六合  
外乃得縱所如因悟天地大到處  
皆蘧廬心清境自適底用戀鄉閭  
啜彼井中蛙局局徒拘墟

赤嵌樓

舊是紅彝地今成勾曲天  
螺旋盤曲磴樹古抱寒烟日脚

浮雲外潮頭落檻前牛皮一席地芳草自年年

赤嵌城

幾歷滄桑劫孤留赤嵌城  
人談往事到此悟浮生地迥  
雲山濶時平烽火清不妨  
堞上歌枕聽潮聲

海會寺

草莽英雄地樓臺歌舞春  
九烟迷斷礎淨業懺前因潮長  
龍歸鉢亭空鳥喚人自今  
依慧日無復海揚塵

平野合彭湖  
落雲山古渡頭春水漲時  
材散網曉星明處客停舟蓬瀛  
不信人間路猶認仙源是夢遊

六六沙灣小似舟須彌上界一萍浮收羅日月狂瀾裏錯

落雲山古渡頭春水漲時材散網曉星明處客停舟蓬瀛

不信人間路猶認仙源是夢遊

有溪

有溪不知名水深與勝接波平鷗不驚風勻浪微摺隔听  
孤烟炊環堤萬山疊愧無舟楫材聽君歌匏葉

臺陽八景詩

鹿耳連帆

沙礁屈曲海門通十幅蒲帆挂遠空擘絮亂雲天上下斷  
行飛鷺浪西東風搏喜近鯤鵬路門接鯤星落剛臨牛女

宮臺灣星分斗女孟浩然詩畫意詩情何處最桃花春漲  
暝帆何處宿回指落星

夕陽紅

鯤身集網

歷歷沙鯤跨海隅我知魚樂網平鋪宏開三面恩波潤細  
織千絲夕照孤春水當門涇角鯢秋風滿地小江湖殷勤  
爲向漁師問中有珊瑚採得無

赤嵌夕照

孤城百尺壓層波一抹斜陽傍晚過急浪聲中翻石壁寒  
烟影裏照銅駝珊瑚籬落迎紅霧珠斗欄杆出絳河指點  
荷蘭遺跡在月明芳草思誰多

金雞曉霞

石立金雞唱曉聲曙光紅  
早潮平暖蒸春髓浮元氣小

結仙壺幻赤城捧日天真瞻咫尺應時海亦象文明晴霞  
五色濤千丈穩載長更十二程

鯽潭霽月

宿雨初收夜氣妍空靈色相妙難詮澄來止水壺中月洗  
淨浮雲水底天鮫女靜開霜匣照驪龍冷抱寶珠眠冰心  
徹底誰憐取留得清光在海邊

雁門烟雨

誰移古塞落蠻郵烟雨蕭蕭舊壘存畫裏江山天潑墨馬  
頭雲樹客銷魂三峰積靄開仙掌東坡詩試觀烟雨三降  
亦都在仙靈一掌間  
百尺踈簾捲梵門地接羅漢門惹得詩懷觸撥處最無聊賴是

黃昏

韋莊詩何處能添詩客  
與黃昏烟雨黃昏烟雨

臺灣府志

卷二十六

藝文七

詩四

七

香洋春耨

何處聲聲布穀啼岡山山北柳林西香洋山在縣治南與鳳山接界旁有柳林

杏花春雨紅千畝蔗葉寒烟綠一犁水引石頭開短圳

石頭溝名泉流漚處塵人蓄水養田處為則笛橫牛背過前溪屢豐不待秋來

卜多稼如雲望早迷

旂尾秋蒐

秋登社社報年豐閒向平原纘武功兔窟草枯飛踏箐虎

場風勁硬開弓烟清紫塞關臨北非為雁門關旂卷青山尾轉

地名東獵罷歸來回首望蒼茫一片暮雲空

臺陽八景

立柱

鹿耳連帆蕩碧空鯤身集網水融融鱗鱗潭霽月風濤

塞烟霏氣鬱葱赤崁高凌夕照映金雞暹映曉霞紅香洋

春榜觀成後旂尾秋蒐入望雄

十八彌陀寺

費應豫

馬首從東轉禪扉一徑荒柳陰垂古井花氣近迴廊擎荔

頻傾碧烹茶淺泛黃山僧無俗韻盡日檢醫方

留題諸羅十一番社

周芬斗

諸羅社

秀色羅山列畫屏男生聰慧女娉婷三苞竹韻琴堂化管

領薰風動舞筵

柴裏社

柴裏烟光映水沙穰穰婦子詠年華尖山泉引禾田腴更



繞芳洲種落花

他里霧社

虎溪中路繞光晴  
螺黛東西隔嶼傾  
他里鬱葱來紫霧  
共露兩露享昇平

打貓社

慕義馴良道打貓  
我來二歲息喧囂  
巖巒與絕迹官音  
踏月清歌度洞簫

哆咯囉社

十八重溪外九重  
山環水複草蒙茸  
旣和族類臻饒裕  
稔酒清過漢釀濃

蔴豆社

袖葍飛鏢健卒張  
長官白馬馭馴良  
家家小圃林陰茂  
半畝枕椰一草堂

灣裏社 有溪渡

新社溪街花六開  
一灣水月共樓臺  
夕陽芳艸雙雙渡  
我好同舟共濟來

頭社

武壠盤社鳳岡中  
颯衍芋飽菲本豐  
十里蒲崙渡瀏瀏  
一犁嵌頂雨濛濛

二社

須清走馬到蕭籬  
芒仔芒分茄茭支  
換得內優解鹿脯  
稻香蔗密厭唐師

通事礁吧善館

烟火村墟入內山相逢傀儡慎防閑輿謀莫獻原田廡三浦雲封一任閒

蕭壠社

東園西社渾桃津後旺瓜麻種海濱百里裹糧漫遠佃檳榔千樹賽千因

巡臺紀事五十韻

有序 巡臺御史 湯世昌 仁和

臣聞太史乘輶軒以採風職方物土宜以立紀九州百郡皆歷代經理之區獨臺灣一域實舊史所不載自前代為荷蘭竊據鄭逆逐之草創郡邑我朝天威遐暢始入版圖乘八十餘年四民之蕃衍宜

方之修飭無異內地且番民貴雉髮奉公化頑為馴獨其土風淳悶服飾詭異尚仍舊習臣奉

命巡察此土周視四邑宣布

聖天子容保無疆之至意諮詢歷年治蹟之踵增適當年豐人樂萑苻不興文武僚寮咸謂

壽考作人用能協休氣于上下伊昔越裳氏之言曰中國有聖人則天無烈風淫雨海不揚波今臺海遠在重洋漸仁摩義德澤有加焉予以見我

皇上如天之福誠度越亘古臣使事既竣雖循例左遷惟以

恩命未復夙夜悚疚謹就見聞恭紀五百字用備方言

伏祈

睿覽其詞曰臺郡歸疆域於今近百年禹功疑不到  
昭代迥無前

祖德天同覆滄洲地豈偏

鄭成功竊據  
三世六十年

雲臺馮虎將水戰

厲戈船蕩蕩烽烟靖林林閩廣遷世教勤土物何恤授民  
屢治具提綱領瑕疵盡棄捐時清消故壘土沃闢良田貌  
虎軍容整蓄黎性命全門楣惟貴女嗣續竟迷先指稔忘  
年老文身倚態妍束腰藤帶潤務耳竹輪圓短織履毛罽  
斜簪雉尾顛鹿弓柔逆督螺殼小千錢踏臂歌鳴豫聞簫  
手可牽翠看花插鬢黃結果為錮力健飛猿走風淳鼓腹  
眠帆檣頻輻輳巾井競喧闐飽煖生宜厚矜吝者性所便輿

臺曳統綺歌管質栳栳牝礪裝垣細檳榔刺齒鮮訟從需  
後綴升與困為緣搜粟官符急徵兵尺籍懸帨巾呼賤隸  
挈屬走班聯神助濤波漲威從制府宣七旬萬舞羽百日  
景投淵自此星軺出能令兩化延苞桑將冊載苞蘖慮三  
愆田鼠形疑虎虻蟬志慕羶諮詢誠切矣章奏必行焉

聖主勤民隱遐方仰道平藜苒除積弊寮案其陶甄拔莖

須連本扶功莫越阡星星威雜髮狂狂悉隨肩堆案無留  
牘調琴有改絃白衣休伏鵬紅粟盡登慈寬猛原相濟剛  
柔慎與權終期無曠土所賴熟籌邊昨歲銜天語揚帆  
泣海孺雖餘攬轡志不待憫農篇陌灑如膏雨畦紫灌稻  
泉民番巡兩路旗鼓閱雙旂角射雲生的鳴呵柳拂羈壯

觀真泛海歸掉去朝天島嶼辭鷓鴣鷺蓬萊會偃佐渡洋  
 更十二到浙路三千戶戶康衢祝山山御氣連扶桑看  
 出日叢桂忽霏烟葵向何知暑息飛更著鞭遙瞻五雲裏  
 南極紫宸躔

春日按部北路郎事

覺羅四明

行行朱蓋漾青陽岫柳牆花滿路香史喜西疇時雨足葱  
 籠彌望長苗秧

溪山處處冒雲烟密箐深林響百泉隱隱竹圍聲遠近無  
 腔短笛樂堯天

拈香負弩以殷勤童叟喧傳舊使君耆社久安耕耨業糗  
 盤競獻倍欣

蠻娘襪負小番娃擁立低簷詔笑譁遮莫蓬頭并跣足春  
 來滿插鬢邊花

大甲溪深未易過尤憎虎尾聚奸多年來設戍勤持護一  
 道長光映綠莎

玉嶂雞峰兩度行難馴鑿齒最關情而今攬轡重循歷鬚  
 鬢霜侵又幾莖

過雁門關

疊巘懸岬蘚跡斑隄然孤峙雁門關寄言海角南鴻少何  
 用雲峰絕躋攀

安平閱武晚歸

荷蘭城外靜鯨鯢細柳軍容振鼓鞞旌旆衝波光閃爍

臺海府志 卷三十一 藝文七 詩四  
鐘拍浪影離迷王朝赫赫聲靈遠海國桓桓步伐齊却喜  
歸來乘暮汐沙燈漁火滿長隄

赤嵌城懷古

突岬孤城古渡頭蒼茫獨立浪花浮南通沙岫岡山城北  
鎖潮門鹿耳渺一片閒雲奔石磴三更冷月照岑樓百年  
敷化波濤息陳跡空餘供遨遊

登澄臺遠眺

登臺披素抱極目暢深衷鹿耳雄關險鯤身鐵鎖崇湯湯  
洪浪渺靄靄白雲濛報國慚才菲丹誠竭海東

臺陽八景

安平晚渡

林立沙灘清矣轉無莫整飯共掘吳春

孤城日暮凝寒整權歸人影亂六年還往其間幾見渡頭

佳喚

雙亭觀潮

宿贈

沙鯤魚火

沙岫烟清風定參差小艇流螢休晒荷蓑戴笠恰欣蟹紫  
醅青

鹿耳春潮

盈盈初似橫絲滾滾旋同裂布春帆取道移來可有遺余  
尺素

雞籠積雪

遙峰瑞應金雞幽徑平鋪玉液周遭石砌重重那得柴門  
卧客

山上有石城

東溟曉日

顧盼扶桑以東陽鳥吐氣如吐海底鯨鯢惕息羣游化日  
融融

西嶼落霞

水映行雲吐碧山銜晚照描紅搯筇更遲月上傾倒金樽  
不空

澄臺觀海

駭浪吼聲度竹高臺雨氣生寒莫道天涯寂寞憑欄是處  
奇觀

斐亭聽濤

繞屋千竿掩映飄空萬派汪洋濟川我愧無具但願海洪

不揚

送余刺史寶岡秋滿入

覲即次留別元韻

惟君才卓犖事業表堂皇閩嶠拊循遍路岐姓字香昨子  
銜新 命仍復到海疆舊雨懽同地藉商濟時方偉哉賢  
刺史僚屬共瞻望

僕指承朝夕三過夏日暄正擬資規畫言將返鷺門君殷  
榆柳思謂可謝籠樊鯤身與鹿耳依依雨露恩相戒息波  
濤鳴鴈送朱轡

計日趨 彤庭

天顏應有喜嘉乃守東寧下車走狂兇

果斷鋤根莠仁和護蓀苴番民勤力穡菽粟如水火東南  
千里地 宸聽款樂只

嘗讀月令記孟秋繕囹圄二年一空之仁政羣嘉予汪汪  
千頃波湛恩殆如許達尊徧海陬津津數德齒况予託素  
心能無感獨處

獨處追曩昔會垣曾小住君自長溪來每每親丰度君旋  
移三山士民望風附繼握清漳符四野溥甘露遲君向東  
來今復看西渡

予雖筮仕久治術夫全諳惟君蚤練達餘緒更深湛剖陳  
壯詞色傾聽似飴甘月白風清夜咨諏至再三自此易分  
手迺壚每懷慙

重洋我兩度宣髮半盈顛天恩未一報忽屈無聞年甞  
勉修職業此方稍靜便望君持節來再布澤綿綿明春二

三月遮道迂名頁

端陽前見離菊作花

余文儀

清節秋霜世久知東籬五月獨標奇非關傲骨因人熱要  
見炎涼總不移

送裴總戎秩滿西渡

廿年小阮舊論交兩載同方荷并包鈴閣月明馴虎豹樓  
船風肅靖螭蛟澤深海國長垂勳勳策雲臺看錫茅獨笑  
白頭僭野鶴淹留猶復等懸匏

恭和

臺灣府志 卷三十六 御賜楊制府詩原韻 有序

乾隆二十七年歲在壬午我

公總制閩浙四訖復

皇上既定西陲聲教四訖復

念南國再舉時巡

聖母乘鸞偕六龍而飛舞上公先馬引八駿以騰驤灑道

清塵風雨各供乃職恬波靜浪江河並效厥靈爾

其越水騰輝吳山獻瑞巖谷響應如聞呼祝之聲

花柳芳妍亦解媚茲之義于是

帝鑒平康

宸衷悅豫

入疆有慶車服增榮

賜秩殊恩崇階再晉復

眷老成

特揮天翰永言耄耄奚帝帝錫九齡四韻褒嘉不敷

商霖二字維時我

公誠歡誠忭載舞載歌七秩四齡較路公而尚少五

言八句奏日傳以無慙喜起一廷爭傳

聖作明述謳吟六合豈止巷舞衢歌儀本越人僦員閩

悔遙瞻

膏澤感桑梓之蒙休逃聽

徽音慶明良之際會恭申頌祝再紀



盛明詰屈聲牙難免續貂之陋孩提學語聊舒向日  
之誠

翠華重幸日瑞氣靈龍牙元老頻承寵 宸章特賜嘉調  
和歸靜穆暑雨絕咨嗟共仰明良會唐虞豈有加  
一字同華袞天香遍齒牙光輝懸日月矍鑠入褒嘉邊海  
安持重經綸但咄嗟願言崇令德君賜看重加  
東南形勝地城闕似排牙德遍久無歎恩承新孔嘉秀登  
甲乙選野靜庚庚嗟遙識吾 王豫疇咨無可加  
賡歌千古盛巴里愧聲牙其喜鯨波伏難忘棠蔭嘉空持  
觀水術不覺望洋嗟擊壤聊同調殊恩分外加

送于靜專司馬謝病歸江右

執手意無極欲言心轉忘至人退即進我法柔為剛存道  
固有拙不卑亦不亢波瀾生古井蘭蕙失芬芳飛渡一泓  
海置身千仞岡願言崇令德特達看圭璋

自題渡海圖

一舟似芥託波瀾水立風馳洵大觀日月吐吞成四照江  
河羞澀等微瀾舉頭但覺星辰近放眼從知天地寬便欲  
乘帆溯牛斗珠光龍氣試回看  
真成宦海任西東回首萍蹤一瞬中十載含香聞三省五  
年樵鶴肅雙熊可能文字驅潛鱗賴有精誠貫白虹身入  
畫圖期共濟肯將華髮負初衷

留別松山觀察

皇恩只許住三年為韻

憶昔長安道同時  
 簡帝心齊檄來  
 接三山燈火每相  
 三山領十郡公政  
 衆末議稍稍窺  
 色 朝命移朱幡

朱幡出東寧未至  
 營奸私荆秦欺  
 清千里歌樂只

三載政大成青草  
 步後塵魯重公獨  
 不惜屈天潢謂予  
 長馬齒告予舊政

教相助以古處

送公往朝天公去予獨  
 本相濟井敢妄攀附  
 回雙旌喜重渡

村社久巡歷風土公  
 推至誠風雨皆和甘  
 願顧影殊自慙

白日去鼎鼎青鬢  
 恩許放歸山是尚  
 令德報兩父大賢

臺陽八景

藝文七 詩四

安平晚渡

風撼長竿捲大旗  
安平渡口夕陽時  
參差驪影輕鷗泛  
碎泝濤聲鐵馬馳  
收網魚歸還隱隱  
招人舟子故遲遲  
醉翁縮首籌同濟  
燈火連村盡繫思

沙鯤漁火

湧浪聲聲似鼓鼙  
將軍從此殄鯤鯢  
清笳落日歸魚笛  
戰壘寒烟冷釣堤  
但覺星光齊上下  
不分烽火遍東西  
太平歲久銷沉盡  
折戟何須問水犀

鹿耳春潮

鹿耳門雄萬里城  
暗沙沉鐵鯨鯢驚  
春風春雨波能立  
潮落潮生氣未平  
駭浪周遭天設險  
飛颿屈曲地中行  
從來

利涉憑忠信  
笑指羣鷗久定盟

雞籠積雪

十年作郡白盈頭  
雪愛炎方淹留遙對玉山成  
二老消歸銀海作清流  
衆峰遠列看伏鳴瀑齊聲報曉籌  
應是碧雞曾羽化  
樊籠猶得傍瀛洲

東溟曉日

萬水朝宗盡注東  
曉雲初散日曛曛  
漆園但覺虛生白  
函谷遙驚氣盡紅  
和靄漸蒸鯤變化  
華光合配月玲瓏  
長春海國扶桑近  
不用揮戈仰再中

西嶼落霞

西嶼丹霞可樂饑  
海波摩盪日曛崦  
軒軒顧影誰能舉  
冉

再登臺或有期十色五光縈絢爛高車駟馬更離奇分明  
一幅鷺溪絹界畫雲烟李伯時

澄臺觀海

戟門西上聳澄臺扶醉登臨亦壯哉片片賈颿破浪出騰  
騰陣馬御風來守身時凜冰淵念拯世深慚舟楫才但使  
汪洋歸大度任他蠡測與鷗猜

斐亭聽濤

濤聲日夜鎮長聽偏聚凌虛君子亭漸瀝乍驚風折筍嚼  
吟疑是雨淋鈴近連射圃亂鳴鏑并入春潮沸震霆自笑  
巴音同布鼓廣長舌愧吐蓮青

秩滿留別臺陽

夏璫

兢兢捧檄渡瀛壖風物臺陽別有天面海背山成澤國高  
陂低岫遍腴田風淳俗是觚初破吏拙官同磨在旋三載  
簿書勞夢寐簾簾卧理愧前賢

欲步芳型作宰難因時敷治稱心安宏施大造陶鈞力曲

體民生婦子歡斷獄若神慙鐵嶺澄懷似水愧清端鐵嶺王公

諱仕俊海康陳清端公他年倘譜循良傳敢信微名取次

刊

何期小草忽增妍厚沐滋培達九天百里政慙書上考六  
條計忝附官聯烟銷海國鯤鯨島日麗皇途駮駟輓敢擬  
杏山留別句 皇恩只許駐三年

一行作吏素硜硜寵辱於中兩不驚撫字催科從吏議蘭

絲保障待公評別無戀棧心難白祇有銜恩志欲鳴計日揚驅趨北闕迴瞻鹿草不勝情

次韻送夏寶成

陶紹景

和風拂拂滿春塲極目洪濤接遠天海外文傳蘇玉局公餘詞媿柳屯田心懸朗鑑從衡準珠媚璇源任折還共識君才原十倍典型矜式藉高賢

瀛海搜奇萬象妍此行正值艷陽天襟期淡似鷗盟淡氣誼親如雁序聯以德綏番留碩畫惟寬化吏示蒲鞭相看愧我非彭澤鏡裏新霜者少年

前題

衛克埜

東寧開闢著繁難澤被蕃黎磐石安勉步後塵慚政拙迴

思前日馨交歡無窮別意縈衷曲不朽勛名在簡端父老扳鞍欲借寇棠陰夾道姓名刊

相形遂爾判媿妍共綰銅符海外天赤嵌山南看豹變武巒城北望蟬聯登龍謬許稱同譜附驥還思策短鞭漫誦西湖留別句巖疆未易駐三年

北巡旋署留別諸羅衛令

巡臺御史 李宜青 寧都人

薰風吹雨長嘉禾新港橋流愷澤多墾土汗沾芳草濕讀書聲遏彩雲過玉峰天半晴微吐鐵線沙明月一瀉去後重思情較切逢人勤說衛諸羅

巡社紀事

搭樓社

鳳山令 譚 垣

風駕淡溪東遙指搭樓路曲澗架小橋紅英習綠樹社厝  
 隱雲林色籬深深護堂中列圖鼎典則猶可數 帝德浹  
 雕題覆育時煦嫗番黎沾化久愛戴深且固童子四五人  
 能誦詩書句諮詢實可欣獎勸不妨屢象番亦欣然笑請  
 軒車駐

武洛社

稻隴轉平埔驅車入武洛旌竿繞寒雲戍樓曉明桮七日  
 跪前迎庶番互聯絡社丁雖稀少勇壯俱超躍昔在大澤  
 機舊址連巒嶸自與生番伍趨走類猿獍自從歸化來薰  
 蒸銷瘴惡移社向中田婦子安耕獲我來宣 皇仁毋使  
 逢不若山鬼應從風祥和遍部落

阿猴社

山行復出山遠見溪雲起阿猴當中權閭闌列村市城門  
 向魚輪略更知列雉編茅甍堂奧削上崇階祀 大使時  
 節來驄馬歷年正番日為我探此社非他比素稱物力饒  
 粵社歸經紀年來牛齒擊不復追前趾我為番日言物盛  
 難可恃應須敦儉約慎勿墮奢侈

上淡水社

淡水向南趨乘漲多紆折 社依上流番社參差列日暮  
 乃停驂半望心如結鐘鼓見溪光沙听水方齧謀將社養  
 移衆盡情辭切我與番眾謀非可一言決相度宜周詳經  
 費宜樽節暫施隄防功且待秋潦竭秉燭坐中庭勸諭均

曉徹老番共扶爲幼番各尙學惇應誠可嘉整肅尤可悅  
憂勞長善心此理信前哲

下淡水社

出門仍沿溪自上而下溪流遠廻汀番眉藏中野此處  
丁盈千林總甲諸社羅列紛難數注各不停寫 聖朝恩  
濫恩暉題綏福報試觀生息多誰非被化者番老不言高  
番女亦云姹由來沾雨露亦自謀弓冶我爲番日言社丁  
不患寡衣食所必需犁鋤正堪把行見爾番庶擊鼓吹幽  
雅

力力社

晚過力力溪溪水清可幽皎月懸林端脩竹如新沐下馬

人番社番衆一向肅燈前試細認爾雅外被服諮訪聽語  
音通曉更嫻熟 聖治開文明光被及番族應知久漸摩  
秀發此先卜拱手進番童經書果能讀忠信自有基禮義  
須涵育勸勉且丁寧披月前郵演

茄藤社

凌晨赴茄藤繞社喬木古宿鳥鳴高枝踈花綴深圃番衆  
擁我前衣被半藍纓升堂細諮詢一一訴貧苦衆番叩頭  
說番愚爲人侮我謂番本愚 聖朝所安撫誰歎或侮之  
我能爲爾剖慎勿學好刁貧苦乃自取老番其點頭少番  
首亦俯開道至再三不覺日亭午

放線社

振策向平埔已過茄藤港瞥見小琉球瀛海遙相望畚社  
關南開放線乃保障編竹起連駁倉庚數千量邊海土雖  
瘠近山地仍曠僉稱歸化後我 皇恩浩蕩畚賦既全蠲  
畚丁不加餉更以所蠲租一半給畚養老者亦已耆少者  
日以壯共依覆轡中尊親永無忘我職司捐徭諮諏頗諧  
暢暇日仍來此勿使耕耘妨

澎湖

謝家樹

又見人間大洞庭羅羅七十二山青桶盤妥貼憑誰挈  
與似桶似禽似 虎豹狺狺喚欲醒怪石鯨紋添禹貢  
與出 花螺貝錦註葩經黃昏點點歸魚艇嘔啞一聲月滿汀

遺謂之  
結緣

香烟縹緲繞盂蘭菓號菩提佛頂盤 菩提果種出荷蘭又

清果菩提繞室馨金包柑橘麗繁星 日釋伽果張鷟洲詩

更憐斗大波羅蜜磔柯真同佛髻青 普度無遮觀自在紙

燈夜靜散波瀾 中元孟蘭會延僧建醮各曰普度或三五

類至夜以紙為燈千百種頭家捐畚錢或減半藏第 一盞內燃放水中漁船爭相攬取者一年主順利

奪采掄元喝四紅 中秋土子遁為燕飲製大肉餅殊書元

月明如水海天空野橋歌吹音寥寂 昔年山橋野店歌吹

子夜挑燈一枕風

囊萸載酒啖檳榔 檳榔樹高數丈花細實如棗在葉下幹

必種椰有椰則檳榔結實益繁孟秋以至孟夏發生不絕

郡人摘其實合蠟 灰挾留藤一名著藤賢之可辟瘴氣

處處登高履齒忙 南人好穿木屐以黃菊正關秋未老滿

藝文七 詩四



天紙鷓競飛揚重陽土人載酒登高士子競放風箏如鷓形名曰紙鷓或以響藤夾于中風吹有聲

以高下為勝負

一陽初動歲初添地較長春不裹棉糯米為九黏餉耗至日

糯米為丸祀神祭先合家同食謂之添歲門扉器物各黏一粒謂之餉耗日中視晷卜豐年

立八尺表視晷如度則歲美不如度則歲惡進則水退則旱見月令廣義

紙馬幢幡送竈神山肴野餼雜前陳厨門長幼交羅拜頌

祝休言辣臭辛臘月二十四夜備幢幡與馬儀從于楮焚而送之謂之送神設有果于竈前合家男女拜祝曰甘辛臭辣竈君莫言

女拜祝曰甘辛臭辣竈君莫言

宰鴨書符壓歲凶松盆燎火煖芙蓉除夕殺黑鴨祭神謂壓一歲凶事為紙虎

塗以鴨血或猪血于門燒之以禳除不祥又用瓦盆置松柴燃之火光燭天

賈島精神酒一鐘閩仙除夕將歷年所得詩列酒脯祭之日另我精神以此補之

安平晚渡

蒼茫島嶼露巉巖嶼嶼舍漁村落日銜一樵烟波藏巨鎮海

天無際送歸颿

沙鯤漁火

盪縷標子豎橫沙的皜紅燈燦落霞久息檣槍謔樂利浪

花深處有漁家

鹿耳春潮

泱泱天然設險奇激輪翻軸拍屣屣當關風捲桃花浪聞

說王師直入時

雞籠積雪

圓鏡孤懸窟窟中漫漫堆玉聳穹窿誰知暖日炎荒地也

與匡廬景色同

東溟曉日

晨曦潑潑恰東升  
萬里鯨波曉霧蒸  
欲捧晴暉霄漢近  
赤嵌城畔紫雲騰

西嶼落霞

散綺依稀天半晴  
卻從西嶼望分明  
軒軒欲舉翻斜照  
目送高標下赤城

澄臺觀海

迤迤滄瀾競泓洄  
極目洪濤亦壯哉  
誰學元虛重作賦  
浮天無岫一登臺

斐亭聽濤

蕭森清影罩幽亭  
暢好濤聲倚檻聽  
好似錢塘秋八月  
瀆淪澎湃鼓雷霆

臺陽八景

鳳山教諭 朱仕玠

安平晚渡

七鯤身外暮雲生  
赤嵌城邊競渡聲  
沙線茫茫連島澗  
蒲帆葉葉映霞明  
鳴榔惟有漁樵侶  
振舵時同犴狴行  
新月一鉤懸碧漢  
剛聽畫角咽初更

沙鯤漁火

茲地曾經百六遭  
時清漁火遍輕舸  
屢探蛟蜃盤渦惡  
那懼鼉鼉駕浪高  
風定熒熒依古戍  
宵分點點映寒濤  
往來慵問乘除事  
燃竹無心羨爾曹

臺陽八景 卷二十六 藝文七 詩四

鹿耳春初無恙爾曹  
大荒地險盡堯封想見天兵竟偽墉故壘迄今盈百室  
寒潮依舊捲千重餘波南滙暹羅水細冰東噓日本峰笑  
看舳艫爭利涉長年來往狎鷗蹤

雞籠積雪

試上高樓倚畫欄半空積素布晴巒誰知海島三秋雪絕  
勝峨眉六月寒自有清光搖棨戟翻疑餘冷沁冰統北來  
羈客鄉思切時向炎天矯首看

東溟曉日

火輪初出海波齊一道雲霞望眼迷烟烟赤光射鯨背  
嚶嚶清唱送天雞漫驚秋橘懸暉迥那識扶桑拂影低咫尺

便應霄漢接人何處問端倪

西嶼浴霞

西嶼餘暉炫晚晴裁成萬疊綺霞明依稀絳闕排雲出彷彿  
金仙抗手逆謝守妍詞無限好陳王麗句若為情搗來  
絕海高秋迥自有遙天一段青

澄臺觀海

海上棲遲及早秋登臺騁望思悠悠常虞雷雨從空下始  
信乾坤鎮日浮漫漫由來通赤嵌蒼茫無處問丹邱乘槎  
便欲從茲去憑占星文入斗牛

斐亭聽濤

氣激滄溟地軸搖斐亭危坐聽寒宵沸騰涌水雙龍鬪蹴

踏天閑萬馬驕蜀客漫誇巫峽浪楚人厭說曲江潮三山  
飄渺知何處噴沫吹漚應未遙

渡臺灣放洋

諸羅教諭 盧觀源

揚帆解纜語爭喧一葉輕飄到海天層浪有山隨日湧積

流無地與雲連溝稱紅黑曾聞險海水低處為溝瀾指東

南不畏偏渡臺指為問飛盧何處泊臺陽遠在扶桑邊臺地

近日

本 臺陽山川風物迥異中土因就遊覽所及誌之以詩

瀛海汪洋環四面臺為瀛海突起層嵐開平衍紅毛近峙赤嵌

城紅毛城今安平鎮赤嵌澎湖外口相制牽鹿耳鯤身沙

濺淤海艘出入憑一線南北悠悠二千里天府雄城控四

縣東南一派枕高山巖崩雲端不可攀山外海天知何處

舟楫從無此往還舊府志地勢蜿蜒儼屏翰擁護全臺曲

且灣面挹波濤臨廣岫一望平原烟霧間平原土壤美而

肥海港交橫草菲菲更有山溪資灌溉桑麻萬頃映晴暉

涓涓細流皆滙海萬水朝宗並西歸此在川流真罕見南

東其畝盡皆非洪鑪鼓濤果屬奇有山如玉照玻璃顯晦

無常殊眾岫皎光恒見冬春時玉案山腰水出火源泉百

沸燄如吹並係中原稀有事異見異聞孰不疑一區迴分

南與北雞籠山頭雪未蝕鳳邑寒冬早放犁三月隴間收

種植果蔬花卉發先期鋤耨隨地可覓食歲豐足抵三年

耕不知含鼓歌誰德憶昔僞鄭據臺陽居人蕃族走欲僵

干戈組練填海旻蕩平原野罷耕桑橫征賈舶充軍餉泊  
 索富民及酒漿幸蒙 聖朝誅反側一朝清明景運昌泊  
 令休養屆百年邦稱庶富澤綿綿膠庠文物遍郡縣脩竹  
 園中起誦絃臺地房舍俱植竹以繞之仕官科名伴上國拖青泥紫或  
 古先聲教覃敷及異類雕題黑齒解耕田雕黑本自彝人  
 俗舊與生番同族屬于今部落入編氓火食安居植穀粟  
 夫唱婦隨勤操作番俗貴女而賤男出入俱隨婦人租稅公旬受約束粗  
 習經書誓有人彈冠振衣寧跼踖番社設社師教番童衣冠誦讀與漢人無異  
 復覩生番半歸誠甲螺丁壯並隸名甲螺番頭且射獵啖腥窺  
 山谷歲輸皮貢當薄征赤身無分寒與暑聊蔽下體披練  
 荆時隆不矜長駕術要使羈縻樂太平洪惟 盛世防範

周文臣武將競宣猷水師船擺虬龍勢柳營玉帳驛路稠  
 牧民選用廉能吏輯寧海國運良籌卽今生衆日繁衍皞  
 熙有象德行流鯁生才拙典間曹曠覽瀛壖興倍豪未聞  
 竹箭鏢鎗悍竹箭鏢鎗番人所用兵器祇見渾噩氣象高海氛不染長  
 天碧潮汐晏如乏怒濤牧寧是處歌樂土發篋何須講六  
 韜

孫武水索題渡海圖鹿鹿久未報適將有臺灣之行  
 卽書以贈行 朱珪

天樞欹貫水轉空神州一撮禪海東踏土食火吸海馬不  
 慣高浪連天春君家茗雪美清泚伯仲自比衡與龍奇書  
 已搜洞庭穴椽筆欲賦馮夷宮崇明小巖昔放掉叱咤蛟

蜃鞭鴻蒙一朝渡嶺到甌粵九夏吟苦來商風蓬萊金闕  
在何所嗟君豈復長固窮天間凌競不可狃掉頭徑去登  
雞籠廈門鹿耳屹雙壑八十四島澎湖中颿開照空神火  
碧夜半燒海扶桑紅此行壯哉足記覽莫放險語驚龍公  
遲君歸裝更千帙滿綴明月光臙朧

渡海達鹿耳門寄朱石君先生卽次贈行原韻

孫霖

斷鯨飲海海水空亞班針指層洋東踏歌陸離詫光怪逼  
耳灑灑洪濤春雙溝騰沸劃紅黑三山隱現浮蛟龍鐵網  
乞取珊瑚樹星光直射牛女官平生奇絕不易得况有新  
詩開愚蒙小別黯然客臘尾癡顏大笑來春風壯懷破浪

走萬里乘槎豈復疑路窮古今滄桑本變幻短翮勢欲超  
樊籠神僊若無倏若有會須身入蓬壺中佛閣明燈不知  
夜金雞一聲初陽紅揚颿三十六島過精靈呵護煩天公  
盪纓紆迴判沙線鹿耳烟影添朦朧

送孫武水之臺灣

姜宸熙

羨門居士人中豪雕龍妙手鑿雙毫元音擊拊鳴鐘軌才  
思鵲起冠英髦吳越盤敦推孫馨

孫馨錢塘人詩各甚著見宋史 偶攜竹

笠披征袍殘書萬卷奚奴挑無諸城下秋蕭騷客窓冷破  
西風號猖狂忽慕乘桴逕逕思跨海釣靈鼉筆牀蹴寄彭  
澤陶鄰雞攘割揮牛刀向我作別意怱怱離亭握手開芳  
醪海鄉滋味膾魚魷王觥交錯餘貪饗追歡更卜焚蘭膏

闡題射覆白戰麈齊楚盟會聯滕曹酣歌各客鄉音操漢時  
 陽張司馬東送君此去縱遊遨廈門東望桅檣高拍天白  
 浪流滔滔蒲颿十幅駕漁舫赤鯨欲起吼蒲牢鐵板沙漲  
 水三篙鹿耳門迴風颿颿海蠻互市聲喧嘈碧眼番賈來  
 紅毛金湯七里雄城壕海氛久靖弓垂橐土垣編竹都魚  
 笏蒙茸瘴嶼豺虎嗥民居櫛比茅索綯潮田種作無災勞  
 番童赤足腰束條騰空捷足如猿猴口啖生畜何腥臊蚌  
 燈燃火魚膏熬春風二月柔絲纒踏歌遊女彈胡槽壚頭  
 勸飲傾葡萄蠻鄉風俗原浮惰看君教化奏琳瑯朱門抵  
 掌談囂囂殊方問俗及豚羔山谷詩問海隅鴻雁無哀噉俗及豚羔  
 青油帳底醉醕醕仰天狂叫首頻搔男兒豈僅終蓬蒿塵

胎會見解天燄蓬瀛路近山週遭神仙宗伯訪盧敖鯤鵬  
 變化將翔翺旂常勲業符伊咎符作臯柳宗元即今寶劍詩明謨富伊咎  
 龍光韜凌霄志氣君毋排窮途笑我吠狂獒石田耕徧徒  
 勞勞一編敢說詩各叨絕交書莫擬山濤他年共爾歸江  
 臯稱觴各捧瑤池桃予與羨門高堂俱垂白

赤嵌竹枝詞

孫霖

竹枝環繞木為城海不揚波頌太平滿眼珊瑚資護衛人  
 家籬落暮烟橫臺郡以木桐為城環植刺竹迄今四十年矣遇颶風劇多搖折是在守土者敷陳妙策以石易之綠珊瑚一名綠玉樹  
 槎枒交錯青葱籬落間洵異產也  
 四季番花總是春牙蕉香檳滿盤新投來更有菩提果清  
 供幽齋悟淨因牙蕉結子中科每莖百餘熟時淡黃味香番槎有三種香檳為上肉槎木槎次之居

易錄作番蒜以韻府字典諸書皆無樣字也昔  
提菓上名香菓似枇杷張丈鷺洲侍御有詩

雌雄別味嚼檳榔古賁灰和荖葉香番女朱唇生酒暈爭

看採採耀蠻方檳榔產新港蕭隴蒜豆目加溜灣最佳

藤食之蔓藤一作浮留藤土人誤作荖字社  
番騰越面上樹曰採採不必以長鍊取之也

二八嬌娃刺繡丁呼孃習慣便成風新粧一隊斜曛觀小

蓋相攜面半蒙臺邑婦女工刺繡誕生之日即呼為某孃

無間晴雨張丈鷺洲詩云一隊新粧  
相掩映紅渠葉底避斜曛情態畢肖

結緣纜過又中元施食層臺市井喧三令首除羅漢脚只

教普度鬧黃昏臺俗七夕家供織女稱七星孃食螺螄以

名曰結緣是夜士子為魁星會中元節好事作頭家驀金

延僧施談口燃紙燈于海邊謂之普度是月也最多羅漢  
脚搶孤打降結黨滋擾觀察覺羅四公刺  
史示公明府陶公并委員巡查禁演夜戲

禾間新構認農家遺意猶傳毘舍耶報賽秋成聯士女春

來已驗刺桐花番俗稻熟登場則以手擷秉穗捆載而歸

間尚存中田有廬遺意刺桐花開春季先葉後花五穀豐

熱占歲者往往以為驗宋時丁謂有聞得鄉人說刺桐花  
如後歲始  
年豐之句

除却風風雨雨天分裝急喚渡頭船深秋播種清冬熟揀

得西瓜貢十員西瓜盛于冬月邑人元旦多啖之臺鳳兩

候過真真不可以常理測結實之時最忌風雨恐防損傷  
擇日選摘分為兩船西渡邇來楊制府定中丞會札不必  
多備以  
省繁費

漸消狙獷漸恬熙大傑巔頭立社師海宇同文臻雅化愛

聽童子誦毛詩土番向不知書自隸版宇後還淳向義

能成誦間有應試事大加  
獎勵同文之治蒸然盛矣



出草番兒每拍肩踏歌歡飲不知年伊尼無數惟功狗買  
易還徵賈社錢番社于冬季捕鹿謂之出草焚林追逐百

庶魚庶草劇難名每訝寒宵壁虎鳴一種綠毛么鳳好也

誇文采滿京羸蝦蟇即守官內地多有之俗名壁虎北人

呼蝟虎獨產臺者能鳴其聲如雀夏月綠

壁冬始蟄過澎湖雖夏亦不鳴倒掛鳥似鸚鵡而小羽

鮮明紅衫綠衣緣樹循繞鉤嘴短足爪纖而長性喜倒掛

夜睡亦然即東坡新

謂倒掛綠毛么鳳也

澄臺寫望

高臺極目海天寬破暖烟光映筆端吟到日斜清興在萬

竿叢竹勒春寒

赤嵌樓秋眺

作意金風故故催涼秋一望客懷開樓高突兀荷蘭築笑

指詩人破蘚來

丙省齋即事

朔風飛一鳥滄海別情多香氣浮蘭茝新寒透蔦蘿靜中

惟不疚忙際却無頗最好湘南句幽吟破睡魔

風物吟

鄭大樞

迎年紅紫鬪春風四季花開浥露叢臺地氣暖正月梅桃

蓮菊有見齊開者

未字女兒休折採王昌只在此牆東成句臺俗元夜未字

女兒偷折花枝為人

詬詈云將來

可得佳壻

花鼓併優開上元優童皆留須髮粧扮生旦演唱夜戲臺

上爭丟目采郡人冬以銀錢玩物拋之

為快各日

花鼓戲

前導謂之

闌傘燈

半面佳人倚倚門

臺海府志

卷二十六

藝文七

詩四

三

宜雨宜晴三月三糖漿草粿列先龕捧鼠麴草合米粉鳳

頭龍尾衣衫擺衣服不衷袴出衫外曰龍擺尾踏遍郊垌

酒已酣清明墓祭郡人酒漿乾路藉草銜杯乘醉踏青而歸

海港龍舟奪錦標端陽海口或用錢亦用布帛懸于竹竿為標漁船爭取之為龍舟之戲

頭三五錯呼么臺多漳泉人怯海風以黑布包頭到行看處鋪席聚賭若遇勝會戲場為尤甚

對對番童子嘴裏彈琴鼻裏簫番童頭梳兩髻謂對對嘴中二寸許釘以銅片另繫一小柄以手為往復唇鼓動之

簫長二尺截竹四空通小孔于竹節之首以鼻橫吹之

六月家家作半年紅團糖餠大於錢六月朔各家雜紅麩于米粉名曰半年丸

嬌兒癡女頻歡樂金鼓叮嚶暖暑天街坊金鼓喧鬧如新年

今宵牛女度佳期海外曾無鵲踏枝臺地向屠狗祭魁成

底事結緣煮豆始何時七夕士子殺狗取頭以祭魁星又煮豆和糖及芋頭龍眼等物相贈

遺謂之結緣

香烟縹緲繞盂蘭菓號菩提佛頂盤菩提果種出荷蘭又釋伽果張鷟洲詩

清果菩提繞室馨金包柑橘麗繁星更憐斗大波羅蜜磔可真同佛髻青普度無遮觀自在紙

燈夜靜散波瀾中元盂蘭會延僧建醮名曰普度或三五晝夜不定高搭木臺排列瓜果餅餌之類

類至夜以紙為燈千百種頭家捐錢或減半藏第

一盞內燃放水中漁船爭相攬取得者一年主順利

奪采綸元喝四紅中秋土子遞為德飲製大肉餅殊書元字用散子擲四紅取之為奪元之兆

月明如水海天空野橋歌吹音寥寂昔年山橋野店歌吹之聲相聞請之夜戲

子夜挑燈一枕風

蓼莢載酒吹檳榔檳榔樹高數丈花純實如棗在葉下幹上攢枝早布椰樹幹葉亦如之種檳榔

必種椰有椰則檳榔結實益繁孟秋以至孟夏發生不絕

郡人摘其實合蠟灰挾留籐一名老藤嚼之可辟瘴氣

處處登高履齒忙南人好穿木屐以珠漆牛皮者為佳黃菊正開秋未老滿

天紙鷓競飛揚重陽十人載酒登高士子競放風箏如鳶形名曰紙鷓或以柳籐夾于中風吹有聲以高下為勝負

一陽初動歲初添地暖長春不表棉糯米為丸黏餉耗糯米為丸祀神祭先合家同食謂之添歲門扉器物各黏一粒謂之餉耗日中視暑卜豐年至

立八尺表視暑如度則歲善不如度則歲惡進則水退則旱見月令廣義紙馬幢幡送竈神山看野較雜前陳厨門長幼交羅拜頻

祝休言辣臭辛厥月二十四夜備幢幡與馬儀從于楮焚而送之謂之送神設有果于竈前合家男

女拜祝曰甘辛臭辣竈君莫言

宰鴨書符歷歲凶松盆燎火煖芙蓉除夕殺黑鴨祭神謂歷一歲凶事為紙虎

塗以鴨血或猪血于門燒之以禳除不祥又用瓦盆置松柴燃之火星燭天千莖爆竹通宵響

賈島精神酒一鐘閩仙除夕取一年所得詩列酒脯祭之曰勇吾精神以此補之

八景詩

安平晚渡

殘陽初暝晚烟浮樵牧人歸古渡頭小艇趨風凌艸嶼輕  
帆映月上沙洲蘆邊野鷺驚波亂籃裏河魚換酒贖最羨  
時閒烽火息成燈剛出赤嵌樓

沙鯤漁火

港潮回碧水澄蛋船傍晚上漁燈千檣影射波光動一  
烟含暮靄凝歷落疎星明復暗朦朧螢火滅還增更添  
粼白蘋岼風景依稀儀武

鹿耳春潮

汪洋萬派總朝東鹿耳門當波湧中勢激天輪雷虺虺風

迴地轉鼓鋒鋒鯤身環東桃花漲海線平分白雪深誰證  
廣陵舒白練海天勝概不相同

雞籠積雪

歸然北鎮瞰醫閭地軸迴旋黍谷初青女按時捐玉佩藐  
姑終歲曳瓊瑤色寒遠映玉山樹諸羅玉山漸化清流淡  
水渠炎瘴邇來消洗盡好乘和會奠民居

東溟曉日

初拂扶桑散鬱華彌天翠幙爛晴霞地當瀛海洋光迴人  
立高峰旭景加萬丈彩虹輝澤國一輪靈曜駕義車東隅  
本是寅賓地先古朝瞰到海涯

西嶼落霞

斜暉映水吐金光五色紛綸遍大荒錦繡文披花艸嶼湖

西南有花  
與草與

紅綃幙罩水雲鄉乍疑赤壁餘荒壘恍觀朱旗  
出女牆為誦子安孤鶩句江天捲藻海天翔

澄臺觀海

層臺軒爽俯神州島嶼凝茫一望收每向日邊瞻紫極真  
從天際識歸舟蜃樓海市空中幻蠓舍漁村境外幽試擬  
黃州蘇玉局超然臺未稱去聲天遊

斐亭聽濤

環植脩篁晝影清偏於清籟挾濤鳴砰訇勁奪蕭蕭響瑣  
碎中含瀟瀟聲詎必松寮生遠韻若因茶竈起遙情三年  
油幕聽來慣午夢虛窓悄不驚

寒食日諸羅署中偶作

謝本量

百花開放出牆頭  
隔歲榴紅子未收  
細雨東風作寒食  
故山西望海雲稠

草房密密下重簾  
三月春寒較臘嚴  
萬井春烟誰禁火  
賣錫時節雨廉纖

槎花如雪飼金魚  
小院陰濃綠不除  
春色尚留三分一  
盤中已薦夏秋蔬

春愁如醉篆烟寒  
晝倦拋書午夢殘  
剛到故園雲忽斷  
角聲吹破倚欄杆

海吼行

張方高

海壘轟石如鼉梁  
延袤七十里以長  
神工鬼斧劃滄桑  
龜

蛇雙峙護水鄉  
氣象雄傑不可當  
迴潮攔浪力隄防  
妖風怪雨起微茫  
倏忽鼓盪渾元黃  
萬丈波濤恣猛颯  
無端片石豎其傍  
當車怒臂笑螳螂  
詎知根柢厚難量  
蟠結水府巨堅剛  
六鰲八柱相頡頏  
能使天地乍低昂  
海若不平交關強  
橫衝直撞聲湯湯  
遙如萬馬過前岡  
輪蹄分蹴競騰驥  
近如雷霆奮春陽  
一發迸裂爭碾碾  
喧如虞業鏗宮商  
鳴樅伐鼓駭龍堂  
幽如風松韻遠揚  
隆隆隱隱轉悲涼  
十年島上籌秋霜  
飽聞此韻意荒荒  
物情靜者享平康  
相逢相讓莫相傷  
浪渤萬里任徜徉  
容與和平釀吉祥  
胡爲激怒自擾攘  
日夕洶洶吼若狂  
巉巖巨石鎮如常  
何曾爲爾縮頭藏  
海乎海乎空奔忙

明寧靖王宅

陳輝

間關投絕域遺廟海之濱古殿山雲暮空階野草春鳴鴉  
啼向客杜宇咽迎人獨立千秋節莫風起白蘋

赤嵌城

鹿耳鯤身翠嶼連雲光海色雨晴天江帆曉渡波間彩市  
宅寒炊竹外烟山似畫屏時染黛水如冰鏡日磨鮮憑高  
得趣閒瞻眺萬里鄉關一望懸

竹溪寺

張士箱

寺門高聳接林垆砌下編籬作短屏菜甲初舒頰染綠筍  
鞭未斲尚留青延賓摘果陳兼品供佛拈花插滿瓶欲訪  
芳踪同六逸空餘溪水繞長庭

前題

黃名臣

竹陰堪坐客野日暎清流山靜人烟遠鐘鳴佛殿幽牟尼  
空世界古寺閑清秋疑是三摩地還看石點頭

竹溪寺

張大璋

全風初薦爽流火伏陰來雨過泉聲咽山明樹色開薜蘿  
隨綠水楊柳拂蒼苔千里難窮處翳誰問釣臺

昌雨邀友遊竹溪

黃瑞超

細雨廉纖步濕隄招攜勝侶入梵西礙林碧障千竿竹透  
剎清流一曲溪滴瀝山泉珠液細空濛樹色野雲低鐘聲  
傍晚鏗餘韻興盡歸來望轉迷

賦得倚樹聽流泉

陳志魁

地僻人聲靜山泉繞樹流  
依林身染翠俯澗耳盈秋  
律呂因波激宮商觸石幽  
隨風飄別岫帶月響孤洲  
冷韻叢中繞清音木末淫  
會心知不淺樂意會松楸

鯽魚鱗霽月

野迴天空水淼漫銀蟾瀉影已  
雲端聚星亭落羣峰碧釣  
月船迴一掉寒籟寂波光拖  
玉練更闌斗轉盪珠盤清池  
曾照禪心現爭似東湖說大觀

雁門烟雨

濛濛雨氣近黃昏過客分明說  
雁門鴻雁幾時來此地烟  
雲終日閉孤村盤空路作驚  
蛇去入險山如渴鹿奔遙望  
前頭深峽裏微茫殘靄數聲猿

前題

竹陰堪坐客野日映清流山靜  
人烟遠鐘鳴佛殿幽牟尼  
空世界古寺閉清秋疑是三  
摩地還看石點頭

竹溪寺

張大璋

金風初薦爽流火伏陰來雨過  
泉聲咽山明樹色開薜蘿  
隨綠水楊柳拂蒼苔千里難  
窮處翳誰問釣臺

冒雨邀友遊竹溪

黃瑞超

細雨廉纖步濕隄招攜勝侶入  
梵西礙林碧障千竿竹遠  
刹清流一曲溪滴瀝山泉珠  
液細空濛樹色野雲低鐘聲  
傍晚鏗餘韻興盡歸來望轉  
迷

賦得倚樹聽流泉

陳志魁

地僻人聲靜山泉繞樹流依林身染翠俯澗耳盈秋律呂  
因波激官商觸石幽隨風飄別岫帶月響孤洲冷韻叢中  
繞清音木末浮會心知不淺樂意會松楸

鯽鱣霽月

僧喝能

野迴天空水淼漫銀蟾瀉影出雲端聚星亭落羣峰碧釣  
月船迴一掉寒籟寂波光拖玉練更闌斗轉盪珠盤清池  
曾照禪心現爭似東湖說大觀

雁門烟雨

濛濛雨氣近黃昏過客分明說雁門鴻雁幾時來此地烟  
雲終日閉孤村盤空路作驚蛇去入險山如渴鹿奔遙望  
前頭深峽裏微茫殘靄數聲猿

登赤嵌城懷古

調滿江紅

程師愷

萬頃洪波極目處連天無際聞說道當年螳臂一隅睥睨  
檣櫓灰飛荒故壘鯨鯢浪靜聯新第遡勛名靖海震寰區  
空碑礪花爛熳心如醉人落莫歸無計對驚濤洶涌憑  
何利濟沙鳥迴翔頻聚散雲山層疊成迢遞問浮槎去客  
幾時還長凝睇

續脩臺灣府志卷二十六終

臺灣府志

卷二十六

三





